

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva zdravstva, Vlada Zeničko-dobojskog kantona, na 38. sjednici, održanoj dana 09.10.2023. godine, d o n o s i

ZAKLJUČAK

I.

Daje se suglasnost dr Tanji Radoš Kosić, ministrici Ministarstva zdravstva Zeničko-dobojskog kantona za potpisivanje Sporazuma o zajedničkom finansiranju Projekta izgradnje objekta Ambulante porodične medicine sa pratećim sadržajima u MZ Perin Han, između Ministarstva zdravstva Zeničko-dobojskog kantona i Grada Zenica, koji čini sastavni dio ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 09.10.2023. godine

Z e n i c a

DOSTAVLJENO

1x Ministarstvo zdravstva,

1x Ministarstvo finansija,

1x Grad Zenica, putem Ministarstva zdravstva,

1x a/a

SPORAZUM

o zajedničkom finansiranju Projekta izgradnje objekta Ambulante porodične medicine sa pratećim sadržajima u MZ Perin Han u Zenici

Sporazum o zajedničkom finansiranju Projekta izgradnje objekta Ambulante porodične medicine sa pratećim sadržajima u MZ Perin Han u Zenici, potpisan između:

1. Ministarstva zdravstva Zeničko-dobojskog kantona, ID broj: 4218336060001 (u daljem tekstu: Ministarstvo zdravstva) kojeg zastupa ministrica dr Tanja Radoš Kosić i
2. Grada Zenica, ID broj: 4218342030009, kojeg zastupa gradonačelnik Fuad Kasumović.

Član 1.

Ovim Sporazumom strane potpisnice se obavezuju da će zajednički učestvovati u finansiranju Projekta izgradnje objekta Ambulante porodične medicine sa pratećim sadržajima u MZ Perin Han u Zenici (u daljem tekstu: Projekat) u cilju unapređenja pružanja zdravstvenih usluga.

Član 2.

Strane potpisnice Sporazuma saglasno konstatuju sljedeće:

- a) da je izgradnja objekta Ambulante porodične medicine sa pratećim sadržajima u MZ Perin Han u Zenici u skladu sa urbanističko-tehničkim uslovima, planirana u sklopu građevinskog bloka, na parcelama označenim kao k.č.n.p. br. 281/1, k.č.n.p. br. 281/2 k.č.n.p. br. 281/3, K.O. Perin Han, na gradskom građevinskom zemljištu ukupne površine 2.280,00 m²,
- b) da je od strane JP za prostorno planiranje i uređenje grada „Zenica“ d.o.o. Zenica urađen glavni projekat broj: 02-1-4485/23 iz avgusta 2023. godine, za izgradnju objekta namjene Ambulante porodične medicine sa pratećim sadržajima u MZ Perin Han u Zenici, a na osnovu Rješenja o urbanističkoj saglasnosti broj 03-19-1391/23 od 13.06.2023.godine, izdate od Službe za urbanizam Grada Zenica, finansiran sredstvima Grada,
- c) da je predviđena izgradnja objekta kombinovane spratnosti P i P+1, sa vanjskim gabaritima 41,25x10,60+16,20x9,25m, ukupne bruto površine 846,10 m², sa ambulantom projektirane površine od 220.70 m² koja sadrži dvije ordinacije, dvije intervencije i prateće sadržaje koji su neophodni za rad ambulante, apoteka, matični ured, pošta, zajedničko naplatno mjesto, multifunkcionalni prostor, prostor za druženje, na prvom spratu prostorije za potrebe mjesne zajednice.
- d) da će Grad Zenica iznos obračunate a nenaplaćene naknade za uređenje gradskog građevinskog zemljišta i naknade za pogodnosti, rente koje utvrdi Služba za urbanizam Grada Zenica smatrati kao doprinos Grada u izgradnji objekta.
- e) da će Grad Zenica obezbijediti rušenje postojećeg objekta i izgradnju nove komunalne infrastrukture (instalacije grijanja, vodovoda i kanalizacije) sa lokacije na kojoj je predviđena izgradnja objekta, te da će finansirati izgradnju pristupa objektu, uređenje pristupnih i zelenih površina oko objekta i izgradnju i označavanje parking prostora ispred objekta, kao učešće Grada Zenica realizaciji Projekta
- f) da je planirano vrijeme za izgradnju objekta Ambulante porodične medicine sa pratećim sadržajima u MZ Perin Han 12 mjeseci nakon potpisa ugovora o izvođenju radova.

Član 3.

Procijenjena vrijednost građevinskih radova za izgradnju novog objekta Ambulante porodične medicine sa pratećim sadržajima u MZ Perin Han (bez uključene opreme i namještaja) iznosi 2.462.672,52 KM sa PDV-om, od čega će Grad Zenica obezbijediti iznos od 1.882.672,52 KM, a Ministarstvo zdravstva iznos od 580.000,00 KM za dio građevinskih radova koji se odnosi na izgradnju ambulante koja sadrži dvije ordinacije, dvije intervencije i prateće sadržaje koji su

neophodni za rad ambulante.

Član 4.

Grad Zenica je nosilac aktivnosti na pripremi tenderske dokumentacije, projektnog zadatka i provođenja postupka javne nabavke u skladu sa Zakonom o javnim nabavkama („Sl. glasnik BiH“, broj: 39/14 i 59/22) i odgovoran je za zakonitost provođenja postupka javne nabavke.

Član 5.

Grad Zenica je obavezan Ministarstvu zdravstva dostaviti Ugovor o izvođenju radova koji zaključi sa izabranim ponuđačem u roku od 10 dana, od dana potpisivanja navedenog ugovora.

Član 6.

Obavezuje se Grad Zenica da će obezbijediti sredstava koja su veća od iznosa utvrđenog članom 3. ovog Sporazuma.

Ministarstvo zdravstva je obavezno učestvovati samo u visini iznosa utvrđenog članom 3. ovog Sporazuma.

Član 7.

U Budžetu Zeničko-dobojskog kantona za 2023. godinu, a u skladu sa Zaključkom Vlade Kantona broj: 02-11-8298/23 od 19.05.2023. godine kojim su prihvaćene izmjene Plana investiranja dodijeljenih sredstava potpore iz Budžeta Federacije BiH za kapitalne investicije, planirana su sredstva u iznosu 580.000,00 KM u okviru budžetskog korisnika Ministarstvo zdravstva (budžetska organizacija 21010001), ekonomski kod 61510 „Kapitalni transferi drugim nivoima vlasti-za zdravstvo“ za realizacije Projekta.

Član 8.

Grad Zenica će za finansiranje Projekta obezbijediti sredstva u Budžetu Grada u ukupnom iznosu 1.882.672,52 KM, prema dinamici izvođenja radova do okončanja realizacije Projekta, a po potrebi i dodatna sredstva koja nisu definisana ovim Sporazumom.

Član 9.

Nakon potpisivanja ovog Sporazuma, Vlada Kantona će u skladu sa tačkom 2.1. Programa utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine, donijeti posebnu Odluku o odobravanju sredstava Gradu Zenica u iznosu 580.000,00 KM za realizaciju Projekta, kojom će biti definisana dinamika transferisanja sredstava Gradu Zenica i način pravljanja namjenskog utroška odobrenih sredstava.

Član 10.

Grad Zenica je obavezan Ministarstvu zdravstva dostaviti poseban Izvještaj o statusu Projekta na dan 31.12.2023. godine i namjenskom utrošku odobrenih realizovanih sredstava za sredstva odobrena u 2023. godini, a što će biti utvrđeno posebnom odlukom Vlade kantona iz člana 9. ovog Sporazuma.

Član 11.

Grad Zenica je obavezan Ministarstvu zdravstva dostaviti konačan Izvještaj o realizaciji Projekta u roku 15 dana po okončanju Projekta, odnosno po izdavanju dozvole za tehnički prijem objekta, a što će biti utvrđeno posebnom odlukom Vlade kantona iz člana 9. ovog Sporazuma.

Član 12.

Grad Zenica će u odnosima sa javnošću isticati zajednički doprinos u realizaciji Projekta Ministarstva zdravstva i Vlade Zeničko-dobojskog kantona.

Član 13.

Strane potpisnice su saglasne da sve eventualne sporove rješavaju dogovorno, uz uvažavanje interesa potpisnica Sporazuma.

Član 15.

Ovaj Sporazum je sačinjen u četiri istovjetna primjerka od kojih svaka strana zadržava po dva primjerka Sporazuma.

Član 16.

Sporazum stupa na snagu danom obostranog potpisivanja.

**ZENIČKO-DOBOJSKI KANTON
MINISTARSTVO ZDRAVSTVA
MINISTRICA
dr Tanja Radoš Kosić**

**GRAD ZENICA
GRADONAČELNIK
Fuad Kasumović**

Broj:
Datum,

Broj: 02-45-24571/23-1
Datum,